

# ԽՆԴՈՒԹՅՈՒՆ

(ՎԵՐՄ ՇԱՅԿ. ՍԵԿՑԻԱՅԻ ՅԵՐԻՏԳՐՈՂՆԵՐԻ  
ԺՈՂՈՎԱԾՈՒ)

ԱՐՄԵՆ ԺՈՂԵԿ  
ԱՍԵՏՈՒՐ ՁԵՄՍ  
ՄԱՐՏԻՆ ԱՄՅԸՆ  
ԱՐՏԱՅԵՍ ԲԵԺԸՆՅԸՆ  
Մ. ԲԵՓՓԻՆ  
Մ. ԳՈՒՍԸՆ  
ԿԸՄՈ ԿԱՐԸՉԸԳԻԵ  
ՄԻՐԸՔ ՄԻՐԸՔՅԸՆ  
ՀՐԱԶԻԿ ՍԻՄՈՆՅԸՆ  
ՏԵՓՐԵՏ ՍԵՎՋԸՐԵՅԻ  
ՎԱԶԳԻՆ ՏԸԼՅԸՆ

14

19 NOV 2011

891.99

Խ-63

ՊՐՈԼԵՏԱՐՆԵՐ ԲՈՂՈՐ ՅԵՐԿՐՆԵՐԻ, ՄԻԱՅԵՔ

№ 14

**„ՊՐՈԼԵՏԱՐ”**  
 ԳԵՂԱՐՎԵՍՏԱԿԱՆ ԺԱՂԱՔԱԿԱՆ  
 ՄԱՍՍԱՅԱԿԱՆ ԳՐԱԴԱՐԱՆ

# Խ Ն Դ Ո Ւ Թ Յ Ո Ւ Ն

(ՎՐԱՍՏԱՆԻ ԽԳՄ ՀԱՅԿԱԿԱՆ ՍԵԿՑԻԱՅԻՆ  
 ԿԻՑ ՅԵՐԻՏԳՐՈՂՆԵՐԻ ԲԱՆԱՍՏԵԼՇՈՒ-  
 ԹՅՈՒՆՆԵՐԻ ԺՈՂՈՎԱԾՈՒ)

ՀՐԱՏԵՐԱԿՈՒԹՅՈՒՆ «ՊՐՈԼԵՏԱՐ» ՈՐԸԹԵՐԹԻ

ՔԻՅԼԻՍ

1936 թ. ОТЕКА  
Академії Наук

Գառ. խմբագիր՝ Կ. Ա. Գրոյան  
Տեխ. խմբագիր՝ Ս. Դովլաբյան

### ՅԵՐԳ ԲՆՈՒԹՅԱՆ ՅԵՎ ՅԵՐԳԻԶՆԵՐԻ ՄԱՍԻՆ :

Քե՛զ եմ յերգում, ո՛վ բնություն,  
 Վոր նման ես եոխ հանդեսի.  
 Դու ծով հույզի ծո՛վ խնդություն,  
 Վոսկեյերա՛զ, վոսկետեսի՛ր...  
 Նման ես դու արեվազուն,  
 Զքր՝աղագեղ այն աղջկան,  
 Վոր կա միայն վառ յերազում,  
 Իսկ այս կյանքում չկա՛, չկա՛...  
 Միրում եմ քեզ ինչքա՛ն-ինչքա՛ն՝  
 Ո՛վ սիրասուն ու գեղանի,  
 Ինչպես քնքույշ մի աղջկա  
 Միրի պայծառ մի պատանի...  
 Ո՛ր, այդպես են յերգել մի որ  
 Հին յերգիչներն այն սի՛ն կյանքի,  
 Յե՛վ յերգերով անջինջ ու խոր,  
 Գովերգել քո զարդերն անգին,  
 Յե՛վ դաշտերում անծիր, ազատ,  
 Յե՛վ անտառում քո արեվոտ,  
 Այգիներում քո ծաղկազարդ,  
 Մարգարտացող աղբյուրի մոտ:  
 Այդ նրա՛նք են, վոր անվստահ  
 Զքոսնել են, հոգնել, ննջել,



Տպ. «Զարյա Վոստոկայի» Ա. Ֆ. Մյասնիկյանի անվան

Պատվեր 296

Գլավլիտ Գ— 314

Քառակ 2000

Կամ ծառի տակ հանգիստ նստած՝  
Սոսկ հիացքի խոսքեր փնջել...

\*  
\* \*

Իսկ մենք, իսկ մենք, ո՛վ բնություն,  
Մի նոր կյանք ենք կերտում հիմա  
Ու սփռում ենք նոր խնդություն  
Յե՛վ նորաստեղծ, և՛ նորիմաստ...  
Մենք ուզում ենք, վոր աննման  
Պայծառ լինի այս նոր դարը  
Յե՛վ բուրավետ ծաղկի նման,  
Փարթամանա մեր աշխարհը...  
Մենք՝ պոետներն այս նոր դարի  
Միշտ հուզվում ենք քո վարդերով,  
Բայց չենք փախչում նոր պայքարից  
Ու չենք տարվում յերազներով...  
Սյլ պատուելով լեռ ու սարեր  
Ու սանձելով ջրեր վարար,  
Մենք վառում ենք ինչքա՛ն արե՛վ,  
Լուսավորում աշխարհն արար,  
Վոր մեր կյանքը, ո՛վ բնություն,  
Զվարթ լինի, զվարթածայն,  
Լինի հույզի ծո՛վ խնդություն,  
Վոսկեշողո՛ւն, վոսկեպայծառ...

## ՄԱՀ ՅԵՎ ԱՆՄԱՀՈՒԹՅՈՒՆ

Հողմի նման կանցնեն որեր,  
Հույզեր ու սեր դալարուն.  
Կանցնեն որեր, կզան նորեր,  
Նոր խնդություն, նոր գարուն...  
Բայց հանճարի յերգը վսեմ  
Կապրի մեծ ու վիթխարի,  
Վորպես պայծառ արե՛վ լուսեղ՝  
Յերբե՛ք, յերբե՛ք չի մարի...  
Հանճար մարդու կյանքը՝ մի գետ,  
Խելքը՝ արե՛վ վոսկեվառ.  
Նա վորպես մարդ կանցնի հավետ,  
Վորպես հանճար՝ կապրի հար...

## ԽԱՅԱՄԻ ՅԵՐԳԸ

Խայամն ատաց.—Թե վոր կուգեր  
Ձեր վողջ կյանքը ուրախ լինի,  
Քաղցր տաղով սրտեր հուզեր,  
Անվերջ խմեք կարմիր գինի.  
Միք տրանջա, միք պայքարի,  
Այլ հուզվեցեք ծաղկանց բույրով  
Ցեզ արբեցեք սիրած յարի  
Անու՛շ-անու՛շ վառ համբույրով...  
Սակայն յեթե մեր կյանքն հոսեր  
Այդ հին հունով, այդքան անզոր.—  
Ձեր լինի արդ վո՛չ յերգ, վո՛չ սեր,  
Վոչ խնդությու՛ն արեվազոր...

## ԳԱՐՆԱՆ ԾԱՂԻԿՆԵՐ

Ծաղիկներն այսոր ժպտում են անուշ  
Անծայր դաշտերում խնդությամբ վողող,  
Մեր կյանքի շնչով բացվում, բարձրանում  
Սրտերը լցված արեվի շողով...

Ծաղիկներն այսոր ժպտում են պայծառ  
Ու հմայում են մեզ իրենց բույրով,  
Ապրում են, շնչում դաշտերում արծակ,  
Հուզվում արեվի անուշ համբույրով...

— Այդ մանկիկներն են մեր զարուն կյանքի,  
Վոր արդ ժպտում են ծաղկունքի նման,  
Լցվում են զարնան թովչանքով անգին  
Ու ապրում մեր նոր կյանքով աննման...

Այդ մանկիկներն են սիրով լցվում են,  
Վորպես վարդերը՝ շողշողուն ցողով.  
Ծաղկանց պես ժպտում, աճում, բացվում են՝  
Սրտե՛րը լցված արեվի շողով...

## Ք Ա Ռ Յ Ա Կ Ն Ե Ր

## I

Քո տաղերը, վառ խաղերը  
 Ինչքան լսեմ Սայաթ-Նովա,  
 Ասում եմ յես՝ ինչքան մեծ ես,  
 Ինչքան վսեմ, Սայաթ-Նովա.  
 Դու՛ հանճար մարդ, մեջլիսի զարդ,  
 ու մեջլիսի տերը քո դեմ,  
 Չնչին մարդ եր, անխալ զարդ եր,  
 նենգ ու նսեմ, Սայաթ-Նովա:

## II

Ուր տխրություն, ուր խնդություն  
 ու տա՛ղ լինի, ենտեղ դու կա՛ս,  
 Ուր սե՛ր անվիշտ, ուր սիրո վիշտ  
 ու դա՛ղ լինի, ենտեղ դու կաս.  
 Դու՛ մի անտուն, խոսնակ ըլբուլ,  
 վարդի եշխով հոգիդ արբած,  
 Ում վառ սրտում սեր ու խնդում,  
 ու բա՛ղ լինի, ենտեղ դու կա՛ս:

## ՅԵԼՆՈՒՄ Ե ՆՈՐ ԹԻՖԼԻՍԸ

Ահա քաղաքն իմ դեմ, վորպես ծփուն մի ծով  
 Ալիքները նետած բլուրների վրա,  
 Ահա Քուռը, նրա պայծառ սրտի միջով  
 Շառաչում ե, վորպես մի արնատար յերակ:

Քուռը, վոր իր վարար ալիքներով վողող  
 Բարձրացել ե հանախ իր մաշված ափերից,  
 Հեղեղել ե անահ այգիներ ու փողոց  
 Յե՛վ բեկորներ տարել ավերվող տներից:

Հիմա նա սանձվում ե բետոնակուռ ափով,  
 Վոր սրտումն իր սեղմած և՛ աղաղակ, և՛ ճիչ,  
 Ինչքան ուռչի վաղը սարսափելի թափով—  
 Դուրս չպրծնի յերբեր պիրկ ափերի միջից:

Ահա ուժը նրա ալիքներով լուսե,  
 Ծիծաղում ե վերից ճահանջներում արծաթ,  
 Ջինջ ջրերին կախվում վոնց աղջկա հյուսեր,  
 Սուզվում գիրկը նրանց՝ կարոտ ու հուշ դարձած...

Պողոտաներ անա, ասփայլտափայլ, լուսե,  
Կապույտ կայծեր ցրող տրամվայներ զնգուն,  
Դեմքե՛ր, դեմքե՛ր անթիվ, հաղթանակող ու սեգ  
Դեմքեր՝ խոհուն ու լուրջ, դեմքե՛ր՝ վառ ու խնդուն:

Ահա շենքերը նոր, լուսաժպիտ ու վեհ,  
Ունկնդրելով յերկրիս կառուցման մեծ յերգին,  
Մեր նոր կյանքի վոճով քար ու կրից ձուլվել՝  
Դեպի արեւն են յեկնում թափով մի խնդազին:

## Ն Ա Մ Ա Կ Ը

Դուռք բաց արեց փոստի ցրիչը,  
Սեղանիս դրեց մի ներմակ ծրար.  
Յես հազիվ սեղմած հուզումիս հիչը՝  
Ուրախ քայլերով մոտեցա նրան:

Դուրս եյի քաշել բառածալ մի թերթ,  
Վրան ինձ համար անձանոթ գրեր.  
Նայում եյի լուռ, խորհում եյի, թե  
Այս նոր նամակը ինձ ո՞վ է գրել:

Արդյոք Սուրե՞նը, Թամա՞րը, Կոյա՞ն,  
Թե՞ Արտաշեսը, վոր բանակումն է.  
Սկսեցի կամաց ընթերցել յես այն,  
Յեվ սիրոս այնպե՛ս անուշ զարկում եր:

«Միրելի վորդիս, լիկ-պունկտ գնացի...  
Յեվ այս նամակը գրում եմ ինքս.  
Հերիք է, ինչքան ծռած պահեցի  
Նամակներիդ դեմ յես իմ շինքս»:

Հուզված կանգ առա ուրախ դողոցով՝  
Ձեռքիս մեջ սեղմած մի անգին նամակ-  
Հրդեհվեց սիրտս պայծառ մի բոցով,  
Վոր տենչում եյի յերկար ժամանակ:

Վոչ, այդ չեր գրել վոչ մի ընկերս,  
Վոչ ել բույրս՝ իր կարոտի մասին.  
Ո՛ր, այդ գրել եր գեղջկուհի մայրս,  
«Լիկ-պունկտ» գնացած իմ անուշ ազին»

## ԱՅՍ ՎՈՂԿՈՒՅՁՆԵՐԸ

Այս վողկույզները շեկ ու կարմիր,  
Վոր արեվի շողերը գողացել են,  
Ցողի կաթիլներով լողացել են,<sup>2</sup>  
Ստինքների նման շողացել են,  
Ցեվ յերբ ցնցել ե նրանց քամին՝  
Վազերի հևա մեղմիկ դողացել են,  
Վառ ժպիտներով, հրամարմին  
Իմ սրտի խորքը սողացել են,  
Ցեվ հոգուս հույզերն ել գողացել են,  
Գողացել են  
Այս վողկույզները շեկ ու կարմիր:

1934 թ.



«Մտեր» օտարից

## Տ Ի Ե Ձ Ե Ր Ք

Մե՛ծ ես, մե՛ծ ես, տիեզերք՝  
 Անսահման ու անեզերք.  
 Արդյոք ել ու՞ր ունես դու  
 Յերկրի նման յեռ ու գեռ:

Մեզնից բացի, կյանք ու յերգ  
 Արդյոք ունե՞ս տիեզերք:

## Գ Ա Ր Ո Ւ Ն

Շողան, արև, շողան...

Գ. Մանասի

Շողա՛, գարուն, շողա՛,  
 Իմ բույր հրով վառած,  
 Սիրտս չի դողդողա  
 Քո հուրերի առաջ:

Իմ գարունն ես դու, ո՛ր,  
 Յե՛կ, վոսկեվառ ցնձա.  
 Դու նման չես բոլոր  
 Գարուններին անցա՛ծ:

Քո մեջ պուրպուր ահա  
 Ինչքա՛ն վարդեր կոկոն  
 Բացվում են ինձ նման—  
 Լցված սիրո՛վ, հոգո՛վ:

Յեվ դեռ, ինչքա՛ն դեռ կան,  
 Հունդե՛ր, անծիլ հունդե՛ր,  
 Վոր ուզում են դառնալ  
 Կոկո՛ն, բացված վարդե՛ր:

Շողա՛, գարուն, շողա՛,  
Դարձիր արեւ վառման,  
Վոր շողերիդ առաջ  
Անձիլ հունդ չմնա:

Վոր հունդերը բոլոր,  
Դառնան բացված վարդեր.  
Շողերով քո վառվող  
Կհյուսեմ նոր յերգեր:

1924 թ.

## ՍԱՅԱԹ-ՆՈՎԱՅԻՆ

Յես կարդում եմ տողերը քո,  
տողերը քո ջունա՛ր-ջունա՛ր,  
Վառ ջունարդար աչքերով իմ՝  
Տեսնում եմ քո կյանքն անջունար,  
Ու մորմոքով ասում եմ քեզ՝  
վա՛յ քո դարին Սայաթ-Նովա,  
Ամբողջ կյանքում, «չըռաստ եկար,  
մե լավ յարի, Սայաթ-Նովա»:

Յես ել ունեմ սիրտ քեզ նման,  
մի սիրտ սիրող՝ սիրտ ովկիան,  
(Յեւ ինձ նման, սրտիս նման,  
Միրողներ կան ելի այնքա՛ն):  
Բայց մեր դարում սիրո համար,  
մենք չենք անում հիմա դովա,—  
Մեր սերը արդ խնդուլթյուն է,  
մեր սերը՝ կյանք, Սայաթ-Նովա:

1935 թ.

2391-35



## ՔՈ ԱԶԵՐԸ

ՔԱՄԱՐԱՅԻՆ

Բորբ արեվը՝ ամպի տակից անթիվ թեժ,  
Վոսկե սրեր ե կախել բարկ, շողշողուն.  
Քո աչերը՝ ունքերիդ տակ յերկու թեժ  
Վոսկե հուր են վառել ջերմ ու շողշողուն:

Արեվի այդ անթիվ վոսկե սրերը,  
Ջերմութուն ու շունչ են տալիս—  
Հույս ու կյանք.—  
Քո աչերի յերկու վոսկե հրերը  
Խնդութուն ու սեր են տալիս—  
Հույս ու կյանք:

Յես սիրում եմ  
Բորբ արեվը—կյանքի ծով,  
Յես սեր ունեմ  
Քո աչերում—կյանքի ծով:

1935 թ.

## ՅԱՆԿՈՒԹՅՈՒՆ

Աչերիդ մեջ հեքիաթային փայլ կա պայծառ,  
Զինչ ե ինչպես ջուրն աղբյուրի, ջուրը զուլալ:

Կուզեմ սուզվել աչերիդ մեջ խոր ու պայծառ,  
Գուզեմ խմել հեքիաթային ջուրըդ՝ զուլալ:

Յ Ե Ր Կ Ր Ի Ն

Սիրովըդ արբե՛լ եմ յես,  
Քո անուշ յերգի համար:

Սիրում եմ, յերգում եմ քեզ,  
Քո հաղթող բազկի համար:

Արտերիդ պայծառ ու հեզ  
Ամեն մի հասկի համար:

Քո վանկանց, վորպես հրկեզ,  
Բյուրավոր ծաղկի համար:

Բացել եմ իմ սիրտը վես  
Հրաթե՛վ վազքիդ համար:

Ո՛ր յերկի՛ր, յերգում եմ քեզ,  
Քո վոսկի բերքի համար:

ԳԻՆՈՎ ԵՆՔ ՀԻՄԻ

Հե՛յ, յերկիր մեր խնդուն,  
Վոսկե՛վոր աշնան զինով ենք հիմի  
Յե՛վ հզորագոր պայքարի զրկում  
Կարմիր ու անմահ սիրով ենք հիմի:

Այս մեր կառուցման յերգերով բոսոր՝  
Բոցե՛ղ հույզերի նորով ենք հիմի  
Ու մշտադալար ձեռքերով հզոր  
Հանդ ու ցանքսերի ջրով ենք հիմի:

Մեր հուր սրտերի կարկաչուն վարար,  
Պայծառ տաղերի գրով ենք հիմի,  
Այն, ինչ մեզ դեմ ե յելնում չար, համառ—  
Նրա դեմ անպարտ գրո՞հ ենք հիմի:

Հե՛յ, յերկիր մեք խնդուն,  
Վերջին պայքարի զինով ենք հիմի,  
Յե՛վ հաղթանակի յերգերով թնդուն,  
Անմար գալիքի սիրով ենք հիմի:

## Ա Ր Տ Ե Ր Ը

Փռվել են վառ, վռակե, անհուն  
Արտեր սահուն ծովի նման,  
Ժպիտներով պարզ ու անալի՝  
Յերկնի անամպ մովի նման:  
Խշրոցով մեղմ՝ հասկեր հասուն  
Յերգ են ասում հովի նման:  
Շունչն եմ զգում նրանց քնքուշ,  
Գարնան անուշ զովի նման,  
Ու թնդում ե սիրտս ջահել  
Այս վռակեհեր ծովի նման:

## Ս Ի Ր Տ Ի Մ

Դու մի թռչուն թպրտուն՝  
Կրծքիս այս նեղ վանդակում  
Սեր ու խինդ ես բորբորում  
Յեվ մինչեվ մահ չունես քուն...

Զարկ դու ուժգին, անհողողող,  
Հորդիր հույզեր վորպես ծով, —  
Պայծառ յերգեր հյուսեմ թող,  
Սիրտ իմ, կյանքի զնգոցով...

ՅԵՐԳ՝ 26-Ի ԱՆՎԱՆ ԳՈՐԾԱՐԱՆԻ  
ՍՏԱԽԱՆՈՎԱԿԱՆՆԵՐԻՆ

Ձա՛ն, ընկերներ, ձեր դեմքն այսօր վո՛նց ե զվարթ,  
Վո՛նց եք գգվել ձեր ստեղծած մեքենային.

Ձեր բոլր սրտում ուրախության հուրն անաղարտ  
Լավայի պես յեռ ե գալիս տարերային:

Իմ ներսում մե ել ուրախության հուրն ե փայլում,  
Ուրախության հուրը՝ դեպի նոր մեքենան.

Ձե՞՞ վոր սա յե, վոր խանդավառ մեր սրտերում  
Հաղթանակի հունդ ե ցանում անապական:

Ձե՞՞ վոր սա յե շոյող գանձը իր յերկրի—

Վերջին հերոսն իսպառ քանդող հինը չնչին.

Ձե՞՞ վոր սա յե յեղբայրակից մեր ազգերի

Գատվերը նոր, վոր տալիս ենք մենք առաջին:

Ձե՞՞ վոր սրանց յերթն ե այսօր յերկրե-յերկիր

Հզորագոր շրջում ինչպես պողպատ բանակ.

Նենգ թշնամու սիրտն ե լցվում ան ու յերկյուղ,

Յերբ տեսնում ե ամեն վայրկյան նոր հաղթանակ...

Ա Ր Տ Ե Ր Գ

Սարերի հովերով,  
Հասուն արտերով  
Կոլխոզ-աղջիկն անցավ՝  
Կարմիր այտերով:

Սիրտը լեցուն կորով,  
Լի ծով յերգերով.  
Դեմը՝ վոսկե արտեր  
Հասուն հասկերով:

Հավաքում ե հասկեր,  
Գեղգեղում յերգեր...  
Յեվ իմ սրտում բացում  
Գույնզգույն վարդեր:

Աչքերն ե փայլում  
Վոսկե արտերում,—  
Սիրող աչքերը ջինջ՝  
Յերգիս տողերում:

1935 թ.

# Հ Ա Ն Ճ Ա Ր Ը

Մեծ տառազնորդիք

Կանգնել ե դարերի գագաթին,  
Յեվ անվախ, և՛ խրոխտ, և՛ արի.  
Ցածուժը՝ ջրերը այն մթին  
Գոռում են, մռնչում կատաղի:

Կանգնել ե անվրդով, մտախոհ,  
Աչքերին՝ դիտակը մեր դարի.  
Սուզվել ե դարերի ծովը խոր,  
Հայացքում՝ լույսերը աշխարհի:

Գծում ե գալիքի մեր ուղին,  
Լույս ուղին աշխատող մարդկության,  
Վորն յելած խավարից կյանքի հին,  
Գնում ե դեպ պայծառ ապագան:

Կռում ե հիմքերը նոր կյանքի,  
Կամքի դեմ՝ ամեն ինչ, ո՛ր, անգոր.  
Միտքը վառ՝ արեվից յերկնքի—  
Յեվ անմահ, և անծիր հորիզոն:

Ո՛վ հանճար մեր դարի դու վսեմ,  
Քո կամքը մեր կամքն ե—մենք բազում.  
Քո խոսքը՝ մեր խոսքն ե—ջինջ լուսերգ,  
Վոր այսոր աշխարհն ե վողջ հուզում:

# ՍՍԱԽԱՆՈՎԱԿԱՆ ՄԱՐՏԻԿՆԵՐԻՆ

Առավոտյան, յերբ շչակներն են հնչում,  
Դուք ամրակուռ՝ լայն փողոցներն եք դուփում.  
Յերբ նոր որը խինդ ու ավյուն ե շնչում,  
Գործարաններն ու հանքերն եք շտապում:

Յեվ իջնում են զարկերը ձեր մուրճերի,  
Վոր թամբել են մեր մեծ գործի տեխնիկան.  
Ամեն մի ժամ աշխատանքի, մարտերի,  
Դարձնում եք վաստակաբեր մի վայրկյան:

Դուք՝ հերոսներ մեր այս պարթև յերկրի,  
Լծված պայծառ ղեկավարի հաղթ կոչին.  
Դուք՝ մարտնչող, դուք՝ խնդություն յերգերի,  
Պատրաստ՝ անպարտ դասակարգի զիլ կանչին:

Ձեր անունը կհիշվի միշտ դարերում,  
Վոր հորդեցիք, վորպես ալիք արեվզոր-  
Բյուր պոետներ կներբողեն յերգերում  
Գործը ձեր վես ու պայքարը ձեր հզոր:

1935 թ.

ԳԱՐՆԱՆԱՅԻՆ ԱՌԱՎՈՏ

Առավոտյան լուսափրփուր,  
Հեռու դաշտում համայնական  
Վար են անում՝ հաղթող ու կուռ  
Հերոսները մեր այս գարնան:

Բյուր նժույզներ յերկաթ բաշով,  
Ակոսում են կուրծքը հողի,  
Վոր ամառը՝ այն լուսաշող  
Բերքով դաշտերը վողողի:

Ահա նստած նժույզներին՝  
Քանի՛ հերոս արեվափառ  
Շունչ են տալիս մեր պայքարին  
Յեվ դաշտերին անծայր ու վառ:

Զա՛ն, նրանք ել, ահա, ինձ պես,  
Քարնանային վարար հույզով  
Յերգ են գրում սիրուն ու վես,  
Հողի կրծքին՝ խոփն գրչով:

ԾՈՎ ԱՐՏԻ ՄԵՋ

Եյ-հէյ, ինչքան արտեր ունենք,  
Աշխարհով մեկ, աշխարհով մեկ -  
Ազ. Վարդանյան

Հեյ, ջա՛ն, ահա կյանքն ե յեւում  
Ծո՛վ արտի մեջ, զո՛վ արտի մեջ.  
Իմ կոլխոզնիկ յարն ե բանում  
Զո՛վ արտի մեջ, ծո՛վ արտի մեջ:

Արեվն յելավ, շողքը գցեց  
Նո՛ր արտի մեջ, ծո՛վ արտի մեջ.  
Լորիկների յերգը լավեց  
Ծով արտի մեջ, նո՛ր արտի մեջ:

Առատ-առատ հունձ են անում,  
Բերք են դիգում ծով արտի մեջ.  
Ի՛նչ անուշ ե յերգը լավում,  
Հով արտի մեջ, զո՛վ արտի մեջ:



Քյուր հասկերն են որոր յերգում  
Մեր արտի մեջ, ծով արտի մեջ.  
Չահել-ջիվան յարս ե յերգում,  
Հունձ ե անում զով արտի մեջ:

Վառ արտերով մրցում, խնդում,  
Հունձ են անում զով արտի մեջ,  
Աշխատանքի յերգն ե թնդում  
Մեր արտի մեջ—ծո՛վ արտի մեջ:

## Ս Ե Ր

Անհուն բարձունքից ժպտում ե արփին,  
Ո՛, սիրտ իմ, սիրտ իմ, դու կրկին ցնծա.  
Կոմյերիտ ընկեր, քաղցրանուշ աղջիկ,  
Բերել եմ սիրտս քո սրտին ընծա:

Ո՛, դու ինձ հետ ես, ինձ հետ ել կգաս,  
Իմ ջահել սրտում նոր սեր ես վառել.  
Իմ ջահել սրտում դու հա՛ր կմնաս,  
Վորպես մի վոսկե լուսարձակ արեվ:

Մեր շուրջը՝ գրոհ, մեր շուրջը՝ գարուն,  
Մարտնչում ենք մենք գալիքի համար.  
Կերտում ենք նոր կյանք՝ համառ պայքարում,  
Մի նոր կյանք, վորպես վոսկեշող ամառ:

Կոմյերիտ աղջիկ, ընկեր իմ անուշ,  
Դառնում ե կյանքը վորպես կարուսել.  
Բացվում ե մեր դեմ մի գալիք անհուն,  
Ու գալիքն այդ բորբ մենք պիտի ուսենք:

Ա Ռ Վ Ա Կ

Սառել ես, դո՛ւ, փոքրիկ առվակ,  
 Ել ուրախ չես կարկաչում.  
 Յուրտ ծմեռն ե դրել կապանք  
 Քո կողերին վոլորուն:

Կգա շուտով կանաչ գարուն,  
 Քեզ կազատի կապանքից.  
 Կկարկաչես կանչով սիրուն,  
 Կշողշողաս արեվից:

Չարանճի ալիքներով  
 Դու կհոսես համարձակ,  
 Ու կյանք կտաս վճիտ ջրով,  
 Մեր դաշտերին լայնարձակ:

Մո՛տ ե, մո՛տ ե կանաչ գարուն,  
 Ել չես լռի, ի՛մ առվակ.  
 Յե՛վ կհոսես կամքով յեռուն,  
 Վճիտ առվակ, ի՛մ առվակ:

ՀՈԿՏԵՄԲԵՐԻԿԻՆ

Քո արեվուն հուր աչքերում,  
 Բացված կակաչ դեմքիդ փոքրիկ.  
 Մեր նոր յերկրի խինդն ե փայլում,  
 Նորաբողբոջ հոկտեմբերիկ:

Սիրտդ՝ խնդուն հույզերով լի,  
 Վառված դեմքիդ ժպիտ կա մի.  
 Գալիք կյանքի կերտողը ժիր՝  
 Դո՛ւ, զալակ մեծ Հոկտեմբերի:

Տեսնո՞ւմ ես դու յերկիրը մեր,  
 Վոր աճում ե քեզ պես ժպտուն.  
 Նոր հաղթական թափ ե առել,  
 Զահ ե վառել ու խնդուլթյուն:

Քո այդ ճկուն մկաններում,  
 Ուժն ե կիտված ապագայի.  
 Անձայրածիր մեր նոր յերկրում,  
 Փողն ե հնչում Հոկտեմբերի:

Քո արեվուն աչիկներում,  
 Ու վառ դեմքիդ՝ փոքրիկ-փոքրիկ,  
 Մեր նոր յերկրի խինդն ե փայլում,  
 Կարմրափողկապ հոկտեմբերիկ:

## Բ Ա Գ Ո Ւ

«Բաղնք իմ, քաղնք իմ, քաղնք իմ, Բագու,  
Ինչքան հեքիաթներ կան այս գորշ քաղաքում...

Յե. Չարեհց

Այնքան կարոտ և այնքան սեր  
Սիրտս ե մաշում, Բագու.  
Այնքան մկան հաղթ ու վսեմ՝  
Արեվածին Բագու:

Քո ուժի հետ դաշն ե կապել  
Կասպից ծովը անբուն.  
Վորքան մարտի հույզ ես վառել,  
Լույսի աղբյուր Բագու:

Նոր հանքերի արի վորդի,  
Նավթի հորձանք ես դու.  
Հողի արյուն թող միշտ հորդի  
Քո բորբ սրտից, Բագու:

Քո պողպատե կրծքում՝ ինչքան—  
Ինչքան կռիվ անդուլ,  
Յեվ քո կրծքին՝ բազում վիշկա,  
Ո՛ր, բազմերանգ Բագու:

## ՅԵՐԳ ԽՆԴՈՒԹՅԱՆ

Յնծում ե իմ հոգին հիմա,  
Յերկաթի յերգովդ վսեմ.  
Բոցեղեն յերկիր իմ անափ,  
Անառիկ, դո՛ւ, տիտան լուսե:

Իմ հոգին վոսկեթել թռչուն,  
Թռչում ե դաշտերիդ միջով.  
Յերկիր իմ, յերգերն իմ հնչուն,  
Հյուսվել են որերիդ կանչով:

Վոսկեղեն արեվի սրտից,  
Քամել եմ բորբ արյունն իմ վառ,  
Փրփրոն հուր զինովն անբիծ,  
Արբել եմ, արբած եմ հիմա:

Բարձրացող քո զիզանտ կրծքին  
Դալիբիդ փարոսն ե շողում,  
Վաշտերիդ ամրակուռ բազկից  
Թշնամու նենգ սիրտն ե դողում:

Յնորք չե իմ յերգը ետոր,  
Վոչ յերազ՝ վոսկեղեն ու վառ.  
Յերկիր իմ, որերդ բոսոր,  
Բացել են հաղթական նոր դար:

Իմ յերգը որերիդ հեվքով,  
Որերիդ յերթովն եմ հուզել.  
Բոցեղեն կրակի ներքո  
Կրակե ձեռքով եմ հյուսել:

Ցնծում ե իմ հոգին հիմա,  
Յերկաթի յերգովդ հզոր.  
Կանգնել եմ քո բերքի դիմաց,  
Ու սրտանց յերգում եմ ետոր:

## Ս Ի Ր Տ Ի Մ

Սիրտ իմ, հզոր ու ծարավ,  
Յերջանկության մի ովկիան.  
Լցված հույսի խենթ գինով,  
Նետում ես ինձ վոսկեղեն  
Կյանքի հորձանքը վարար,  
Ուր յերգեր կան առնական,  
Ուր կյանքն ե միշտ հարածում,  
Հողմերի պես շառաչուն:  
Պայքարատենչ ու բոսոր,  
Վոսկեյերակ սիրտ իմ վառ,  
Տենչանքով լի ու հզոր,  
Լցվիր դու նոր խնդությամբ:

ՆՎԵՐ ՎՐԱՍՏԱՆԻՆ

Այս իմ մատաղ սրտում վորքա՛ն յերգ եմ հյուսել,  
Քո կառուցման թափի, քո տեմպերի համար,  
Այս իմ մատաղ սրտում հազա՛ր վողջույն լուսե  
Բերել եմ քեզ նվեր, ջա՛ն, իմ յերկիր անմար:

Բուշեվիկյան յերկիր, Վրաստան իմ խնդուն,  
Քո տեմպերում վսեմ՝ ինչքա՛ն յերգեր վառման,  
Ո՛ր, յերկիր իմ տոկուն, վորքան եմ քեզ սիրում,  
Պայքարներդ հուժկու ու գալիքդ անահ:

Քո կառուցման թափը, ո՛ր, ինձ շատ ե գերում,  
Յե՛վ բանակդ հսկա այնքան մեծ ու հզոր,  
Յե՛վ գետերդ վարար, վոր լույսերով բազում  
Հին գիշերը խավար դարձրել են կետոր:

Քո վերելքի համփին, վորքան պայքար ունես,  
Քո հաղթական աճին՝ վորքան յերգ ու խնդում.  
Վրաստան, ի՛մ յերկիր, հաղթանակով պես-պես,  
Նվահումներիդ հաղթ՝ հազա՛ր-հազա՛ր վողջույն...

ՎՈՂՋՈՒՅՆ ՁԵԶ

Ո՛ր, վողջու՛յն ձեզ, սիրուն, ծաղկած անուշ դաշտեր,  
Ո՛ր, վողջու՛յն ձեզ, բազում, մկանակուռ վաշտեր.  
Յես յեկել եմ ձեզ մոտ, վողջույններով անգին,  
Յե՛վ յերգերով իմ բորբ՝ խնդուն ու թանկագին:

Թող ամեն տեղ հիմա ամեն բերան խոսի  
Մեր վառ կյանքի մասին՝ լենինյան մեծ դարում,  
Թող յերգերիս առուն ձեզ համար միշտ հոսի,  
Յե՛վ այդ առվի ափին ծաղկի հազար գարուն:

Գարունների թովիչ ծաղկանց քաղցր բույրով,  
Կոխոզ կյանքը յեռա գալիքի դեմ լուսե.  
Ձե՛ք վոր յես ել հիմա զնգուն իմ յերգերով  
Ձեր հրավառ կյանքն ու աշխատանքն եմ հյուսել:

Յես տեսնում եմ հիմա կանաչ դաշտեր անափ,  
Հազարազույն վարդեր ինձ ժպտում են սիրուն,  
Ու լցվել ե դաշտը խնդուն ծիծաղ ու ծափ,  
Յե՛վ դաշտերում գվարթ աշխատանքն ե յեռում:

Յես յեկել եմ ձեզ մոտ վողջույններով հազար,  
Ինձ շրջկոմն ե դրկել, վոր հույզերս վառեմ,  
Ու լենինյան դարու իմ խոսքերով վարար,  
Քեզ մոտ սրտով մաքուր՝ քաղաշխատանք տանեմ:

## ՄԵԶ ՄՈՏ

Կյանքը խնդուն է,  
 Խինդը թնդուն է մեզ մոտ.  
 Ծիծաղ ու յերգ է,  
 Զա՛ն, հասուն բերք է մեզ մոտ:

Աշխատանքը հու՛ր է,  
 Բազուկները կու՛ռ են մեզ մոտ.  
 Կառուցման թա՛փ կա,  
 Ծիծաղկոտ վա՛զք կա մեզ մոտ:

Պայքար ու տե՛ մպ կա,  
 Յերկրում վերե՛լք կա մեզ մոտ.  
 Կոլխոզ դաշտե՛ր կան,  
 Խնդուն վաշտե՛ր կան մեզ մոտ:

Արեվը վա՛ռ է,  
 Նոր ծաղկած դա՛ր է մեզ մոտ.  
 Կամքը մեր սու՛ր է,  
 Գործը հանու՛ր է մեզ մոտ:

1933 թ.

## ԽՆԴՈՒԹՅՈՒՆ

Այնտեղ, ուր հանդարտ Ոկանն է հոսում,  
 Ուր սոսիները որոր են ասում,—  
 Այնտեղ փռվել է քաղաքը հերմակ՝  
 Ողաչու-համբար կանաչում համակ:

Յեվ քաղաքն իմ այդ, վոր փռվել է վառ  
 Ու ժպտում զվարթ բերկրանքով լուսեղ,  
 Ո՞, զհտե՞ք, արդյոք, յես նրա համար  
 Ինչքա՛ն սրտաբուղխ յերգեր եմ հյուսել:

Ու միտքս արթուն, վորպես մի արծիվ,  
 Կտրում է ուսման քարծուներն պուրպուր,  
 Վոր պահակի պես պաշտպանեմ յերկիրս՝  
 Նրա պայքարում ընդդեմ թշնամու:

Յեվ մուլթ անցյալի որերը այն գուրտ,  
 Ել յետ չեն դառնա, ո՛, զհտեմ հաստատ,  
 Ու սիրտս այսոր ուրախ ու անզուսպ  
 Թռչում է առաջ՝ անվհատ, վստահ:

ԿԱՐՄԻՐ ՀՐԱՊԱՐԱԿՈՒՄ

Վորքա՛ն վարդեր կոկոն,  
 Վորքա՛ն մարդիկ արի,  
 Վորքա՛ն յերգեր հրե՛  
 Հրապարակում կարմիր.

Տեսա և՛ յես նրանց՝  
 Հանճարներին յերկրիս.  
 Սիրված հերոս տեսա՝  
 Վոսկե արեվ դեմքին:

Նրանց վառ շուրթերից  
 Յուլում եր վողջույն՝  
 Անցնող բյուր վաշտերին՝  
 Հաղթական, հնչուն:

Պայքարի լողունգն եր  
 Զնգում սրտերում՝  
 Նվաճման աներեր  
 Մտքերով բազում:

Նրանց յերգում՝ յերգըս,  
 Նրանց հեվքում՝ հեվքըս.  
 Մեր գալիքին պայծառ՝  
 Ստալինյան ձեռքըս:

Ն Ո Ր Ե Լ Ե

Այգին կթենք ծեգ-ծեգին,  
 Այդր լինը, Այդր լինը նորել ե.  
 Բերքն հավաքենք լիուլի,  
 Պտուղն հասել, բամբակը փրփրել ե:

Մենք լինը վեր հոսեցրինք,  
 Այդր լինը, Այդր լինը նորել ե.  
 Ծարավ հանդեր հազեցրինք,  
 Են չոր հողը ծաղկի միջին կորել ե:

Թմրած գյուղերն ուժ առան,  
 Այդր լինը, Այդր լինը նորել ե.  
 Ծափ տվին ու պար թռան...  
 Ես մեր գյուղը կուեկտիվով գորեղ ե:

Պապակ մարգով ջուր հոսեց,  
 Այդր լինը, Այդր լինը նորել ե.  
 Կանաչ կապեց հողն անսեգ,  
 Մերկ դաշտերն ել բամբակ տվին, նորել են:

1932 թ.

# ՔԱՌՅԱԿՆԵՐ


(Վաղուրդական)

Պատկերը բաշենք,  
Վարդ տուֆը տաշենք,  
Ամեն գյուղում՝ զիր ու դպրոց,  
Մեր կյանքը նախշենք:

Տրակտորներով՝ հերկը մեր,  
Ամբարներով՝ բերքը մեր,  
Թշնամին վոր նաքի ել,—  
Արար-աշխարհ՝ յերգը մեր:

Կոխողային հանդին մատաղ,  
Հարվածային ձեռքին մատաղ,  
Կոմբայնները վարող տղի  
Են ջլապինդ ձեռքին մատաղ:

Հանդերը՝ լայն, հողերն՝ անձիր,  
Արտերը՝ ծուփ, ծով նազանի.  
Արեվի դեմ՝ ջերմ շիկաներ  
Հասկերը հարս ու փշավարս:  
Փսփսում են սուսիկ-փուսիկ,  
Վոնց ամաչեն ու նազ անեն:



# Ց Ա Ն Կ

## 1. Արմեն Ծովակ

|   |   |
|---|---|
| Յերգ բնութան և յերգիչների մասին . . . . . | 3 |
| Մահ և անմահություն . . . . .              | 5 |
| Խոյամի յերգը . . . . .                    | 6 |
| Գարնան ծաղիկներ . . . . .                 | 7 |
| Բառյակներ . . . . .                       | 8 |

## Աստուծո՛ւ Շեմս

|                                |    |
|--------------------------------|----|
| Յեշում և նոր Թիֆլիսը . . . . . | 9  |
| Նամակը . . . . .               | 11 |
| Այս վողկույզները . . . . .     | 13 |
| Տիեզերք . . . . .              | 14 |

## Մարտին Ամյան

|                         |    |
|-------------------------|----|
| Գարուն . . . . .        | 15 |
| Սայաթ-Նովային . . . . . | 17 |
| Բո աչերը . . . . .      | 18 |
| Ցանկություն . . . . .   | 19 |

## Արսաես Բեժանյան

|                          |    |
|--------------------------|----|
| Յերկրին . . . . .        | 20 |
| Կինով հնք հիմի . . . . . | 21 |
| Արտերը . . . . .         | 22 |
| Սիրա իմ . . . . .        | 23 |

## Մ. Բաճճիև

|   |    |
|---|----|
| Յերգ՝ 26-ի անվ. գործարանի ստալանովականներին . . . . . | 24 |
| Արտերգ . . . . .                                      | 25 |



**Մ. Գուսան**

Հանձարը . . . . . 26  
Ստախանովական մարտիկներին . . . . . 27  
Գարնանային առավոտ . . . . . 28

**Կամո Կարազարե**

Ծով արաի մեջ . . . . . 29  
Սեր . . . . . 31  
Աովակ . . . . . 32

**Միրաբ Միրաբյան**

Հոկտեմբերիկին . . . . . 33  
Բազու . . . . . 34  
Յերգ խնդության . . . . . 35  
Սիրա իմ . . . . . 37

**Հրաչիկ Սիմոնյան**

Նվեր Վրաստանին . . . . . 38  
Վաղջույն ձեռ . . . . . 39  
Մեզ մոտ . . . . . 40

**Յեփրաս Սեվեռեցի**

Խնդու թյուն . . . . . 41  
Կարմիր հրազարակում . . . . . 42

**Վազգեն Տայան**

Նորելե . . . . . 43  
Քառյակներ . . . . . 44



« Ազգային գրադարան



NL0341179

15/1936

34702

36 = 545

ԳԻՆԸ  
50  
ԿՈՊ.



891.99  
m-63

**РАДОСТЬ**

Сборник стихов молодых  
писателей Арм. секции  
ССПГ

(На армянском языке)

ИЗД. ГАЗ. „ПРОЛЕТАР“